

痘疹世醫心法卷之八

痘後餘毒證治歌括

凡三十六首

痘瘡靨後喜無邪

人漸清寧食漸加

若比痘中還更苦

莫言無事更矜誇

或問痘後餘毒可前知乎曰痘未靨時毒氣未除正氣未舒如鱖在湯如蚓在灰之狀痘已靨後毒氣已盡正氣將復如困魚入水囚鳥出籠之狀但察其身無熱口不渴大小便調腹中無痛精神漸壯飲食漸加此真安樂之時豈有餘毒哉若身熱而渴腹痛吐

無餘毒諸
候

有餘毒諸候

泄或小便赤澁大便堅秘精神昏憤四肢倦怠飲食減少坐臥不安此有餘毒伏藏必生後災以此決之可前知也

痘瘡輕者自無乖

逆重從來有後災

不是毒邪根裏得

或因調治誤中來

餘毒

凡痘瘡輕者其本踈其毒微其證順自然易靨無餘毒也重者其本密其毒盛其證險自然難出難靨有餘毒也逆者或伏或倒陷或倒靨幸脾胃素強調治又早不至大困亦作餘毒錢氏云其病有三一者疥

治當看表裏虛實

二者癰。三者目赤。以證求之。尙不止此。亦有出已盡發已透。屬已齊者。復作餘毒。此由溫補之過。飲食之失而得之。故治痘後餘毒。或補或發散。或解利。要在分表裏論虛實。不可一槩妄投湯劑也。

痘瘡屬後難調理

表裏俱虛勿縱施

此與傷寒復病同

補虛爲本而已矣

調理

痘瘡之後。表裏俱虛。要避寒暑。戒頻洗。以養其表。節飲食。遠房室。以養其裏。傷寒賦云。勞食再復。病名內傷。言其虛也。又云。諸食皆復。飲酒則甚。諸勞皆復。御。

女必死。言犯其虛者不可治也。如小兒則在父母之調護。大人宜自保而勿失焉。治其病者惟以補虛爲本。所因之病以末治之。

古云痘毒只三門。

自我推求未足憑。

五臟有邪皆有證。

各隨形證審來因。

痘科云痘後餘毒一者疥二者癰三者目赤夫疥者心病也癰者脾病也目赤者肝病也胎毒之發五臟各有一名如心爲斑脾爲疹肺爲膿泡肝爲水泡腎爲黑陷是也發熱之初五臟各具一證如呵欠驚悸。

毒歸臟腑
症

屬心。項急煩悶屬肝。咳嗽噴嚏屬肺。吐瀉昏睡屬脾。
耳涼。骭涼。足涼屬腎。是也。何以餘毒只心肝脾三臟
有之乎。況三臟之證又不止於此乎。或者舉其重而
言之。欲人推廣之耳。○如毒歸於心。則爲斑疹爲驚
悸爲癢痛爲壯熱爲咽乾而渴爲汗爲丹瘤。○毒歸
於肝。則爲悶亂爲水泡爲腰痛爲目病爲卵腫爲乾
嘔爲手足拘攣爲吐衄爲寒戰咬牙。○毒歸於肺。則
爲咳爲喘爲衄血爲瘡乾燥皴揭爲肩臂痛。○毒歸
於脾。則爲吐爲泄爲腫爲脹爲腹痛爲唇瘡破裂爲

舌本強爲手足病爲不食○毒歸於腎爲黑陷爲猝
失聲爲手足逆冷爲咽中乾痛爲饑不欲食爲多唾
○毒歸於腸胃爲泄爲利膿血爲腸鳴失氣爲大便
不通○毒歸於膀胱爲小腹滿痛爲溺血爲遺尿爲
頭腫痛爲目上視已上五臟之證略舉其槩臨病之
工不可不審

不忌口發
餘毒

黃州府管糧通判蕭壬峰小姐乙丑冬出痘請全
調治原小姐嬌惜太過非雞與煎熬厚味不食而
彼處風俗有病者必服附子食雄雞炙關元全請

餘毒發於
肝治驗

小便如靛
肝火也

戒之不聽全嘗告曰不肯慎口他日畜毒作病必
廢調理公不肯信自丙寅年後兩目出淚眼弦亦
爛全曰此毒發於肝肝火旺也公曰目上下臉屬
脾脾有熱乎全曰此因淚出不止浸淫爛潰也乃
用瀉青丸方去大黃加柴胡黃芩密蒙花煉蜜爲
丸服半年後而目不出淚眼弦平復矣丁卯夏又
小便如靛水點滴着肉處皆爛成瘡泡全曰此亦
肝火也公曰膀胱之熱全曰肝色青乃肝移熱於
膀胱也又用瀉青丸去大黃加柴胡木通車前子

煉蜜爲丸服之而安公曰不聽爾言反勞爾力

痘後留邪作腫癰。

或爲結核論相同。

但將毒氣分深淺。

莫使餘邪透骨縫。

餘毒發癰

此已下二條言癰毒也。此由毒氣留藏經絡故於肌肉虛處或關節動搖處紅腫而成癰。又或既平之後失於解利餘毒太盛外不得洩於皮膚內不得入於臟腑聚而不去遂爲之癰如毒氣淺者止生結核腫毒瘡癤而已甚者頭項腦脇手足肢節至盡掀腫作痛但發一二處或根淺者可治若流注起伏根深蔓

引者小則潰筋脫骨必爲殘廢之疾甚則綿延日久而死

症
癰不治

本邑庠生胡近濱長女出痘不甚密亦不十分光壯飽滿與藥治之點滴不入口蓋平生不肯服藥也收靨時一片薄殼逆痘也足膝發癰毒與藥一飲而盡近濱夫婦皆喜予曰勿喜病不可爲也近濱問其故予曰脾主味開竅於口經云口和則知五味矣今愛素不肯服藥今肯服藥且盡是不知味而脾敗矣况膝膺之處脾實主之脾敗則亦不

痘後發癰
治驗

能成膿及請方士蔡谷陽針之果皆清水次日卒
○斬水縣夏佐南長子痘後手足發癰請予視之見
其面色黎黑精神疲困飲食且少予曰令嗣之痘
未得光壯收靨太急今發癰毒乃倒陷歸腎證也
必不能成膿而死

一小兒痘後發癰請予治之予用十全大補湯加
連翹金銀花治之而愈蓋其癰已潰故用是方凡
潰癰者以是治之未有不愈者

一小兒痘後發癰即請予治予用解毒內托散調

痘後卵腫
治驗

治癰當審
經絡

理而安

黃岡縣三家店蔡丹泉一子痘後卵腫吾男邦正
醫治作厥陰肝經病是也丹泉不自安使人問予
予曰非癰乃厥陰肝病因寄一方用柴胡湯加青
皮木通山查肉調理而安

看。在。何。經。用。引。經

腫。時。不。與。潰。時。論。

補。中。托。裏。分。虛。實。

決。毒。排。膿。視。淺。深。

凡治痘癰先看。在何經絡。分氣血多少。用引經藥。如
太陽經。羌活。防風。陽明經。升麻。白芷。少陽經。柴胡。少。

癰未潰主
治

內潰者主
治

癰發經絡
主治

陰經獨活。太陰經防風。厥陰經柴胡。若初紅腫硬痛者。以針刺之。口吮去惡血。以拔毒膏。七十敷貼。解毒內托散。二附方。氣實能食。大便堅者。用排毒散。百二十疎利之。氣虛食少者。用十宣散。七十或流氣飲。一百二十毒淺而小者。只內服小柴胡。加生地黃湯。百九十外用神功散。或拔毒膏貼之。七十此治腫瘍之法也。若已成膿而未潰者。以鈹針決去其膿。勿使內潰。已潰者。用十全大補湯主之。七十此治潰瘍之法也。○大抵痘毒發癰。在手肘腕足膝。臍中者多。若在

手腕發者屬手太陰肺經在足臍發者屬足太陰肺經並用解毒托裏散主之。一百一十二附方

趙曰臨胸庠生馬斯作一小女生痘靨後餘毒在耳下少陽經生瘡久而不愈余令用柴胡一錢人參六分黃芩四分半夏四分炙甘草四分黃芪鹽水拌炒六分白芷四分生地黃八分薑棗煎服對李醫官重興云若欲生膿去白芷加白朮四分又於項後髮際處腫此連及太陽經也加羌活川芎各四分而腫消乃去白芷加白朮金銀花連翹皂

角針遂潰而膿水淋漓不愈又於耳前孔外生一
瘡余令用柴胡一錢人參五分黃芩五分半夏五
分炙甘草五分黃芪鹽水拌一錢生地五分白芷
七分服外用綿繭散敷之耳下瘡痊而耳前瘡亦
愈

趙曰臨朐一小兒痘後餘毒夜間癢甚抓破膿水
淋漓余令內服苦參丸七十外用黃連生者五錢
蛇床子三錢苦參三錢無名異二錢生地三錢大
楓子五箇去殼白芷三錢蒺藜炒去刺二錢輕粉

二分連翹二錢爲細末香油調搽抓破處其癢止
膿乾而愈

遍身疥癩候何寧

敗面殘形亦可矜

搗搯膚傷爲毒淺

薰蒸肉爛受邪深

餘毒發疥
主治

此一條言疥毒也痘後遍身瘡癩如疥如癩膿血浸

淫皮膚潰爛日久不愈此毒氣彌漫散於皮膚宜升

麻葛根湯一防風解毒湯一百苦參丸比十王之若

因搗搯成瘡者只以百花膏八九十塗之

疳蝕頑瘡亦可嫌

時時流血不會乾

穿皮銷肉成癰陷。腐骨傷筋作天殘。

毒在脾發
疔蝕瘡主
治

此毒在脾也。痘後疔蝕瘡者。毒壅肌肉。內透筋骨外連皮膚。時痛出血。日久不痊。亦惡候也。內服十全大補湯。三十外以綿繭散貼之。十五

毒散皮膚有數般。或為癰疹。或成丹。

丹。癰凝結從深論。癰疹分踈作淺看。

毒在心肺
二經丹癰
癰疹主治

此毒在心肺。二經也。痘後毒氣散於皮膚肌肉者。病有數般。或為癰。皮上起如疔。瘡癢。癢爬搔更多。內服解毒防風湯。一百外以筆衣湯洗之。三十。或為疹。皮

上如蚊蚤所咬之狀。或如小疥子。卽麻子也。升麻葛
根湯^二加防風、荆芥穗、主之。熱甚渴者。與人參、白虎
湯^四。二十相合服之。或爲丹。癰紅腫作痛。手不可近。流
移上下。過心腎者。卽死。宜內服小柴胡。加生地黃湯。
十一^九。二外用蜚針法。吮去惡血。自消。十一^三。或用砭
法。若但紅不腫不痛者。斑也。人參白虎湯。^{又名化斑湯}二十四
加玄參、大青、生地黃、主之。

眼中翳膜忽遮睛。

癰澁難開若霧雲。

但用湯丸頻解毒。

勿輕點洗反傷明。